

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Broj: 05/3-04-3846/22

Bihać, 12.07.2022.godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“ broj 12/03, 34/03 i 65/13) i člana 47. Statuta Javnog preduzeća „Agencija za razvoj Grada Bihaća“ d.o.o. Bihać („Službeni glasnik Grada Bihaća“ broj 3/22), Gradonačelnik Grada Bihaća, raspisuje:

JAVNI KONKURS

za izbor i imenovanje na pozicije predsjednika i članova Nadzornog odbora u
JP „Agencija za razvoj Grada Bihaća“ d.o.o. Bihać

I NADZORNI ODBOR

- predsjednik1 (jedan)
- članova2 (dva)

II OPIS POZICIJE

Nadzorni odbor ima slijedeće nadležnosti:

- a) nadzire poslovanje Preduzeća i rad Direktora,
- b) priprema poslovničke i pravilnike i predlaže ih Skupštini na usvajanje,
- c) priprema Etički kodeks i predlaže ga Skupštini na usvajanje,
- d) imenuje i razrješava Direktora Preduzeća,
- e) vrši izbor kandidata Odbora za reviziju i podnosi prijedlog za njihovo imenovanje Skupštini,
- f) donosi Pravilnik o nabavkama, na prijedlog Direktora, te kontroliše njegovu primjenu s aspekta usaglašenosti sa važećim propisima,
- g) daje mišljenje Skupštini o prijedlogu Direktora za raspodjelu dobiti,
- h) predlaže Skupštini način pokrića gubitka,
- i) daje pisano ovlaštenje za aktivnosti preduzeća koje su ograničene propisima Zakona o javnim preduzećima u FBiH,
- j) daje upute Direktorima za provođenje preporuka u vezi s uočenim nepravilnostima,
- k) usvaja izvještaj Direktora o poslovanju po polugodišnjem i godišnjem obračunu s bilansom stanja, bilansom uspjeha i izvještajem revizora,
- l) podnosi Skupštini na usvajanje godišnji izvještaj o poslovanju Preduzeća koji obvezno uključuje finansijski izvještaj, izvještaj vanjskog revizora, izvještaj o radu Nadzornog odbora i Odbora za reviziju i plan poslovanja za narednu poslovnu godinu, u okvirima postojećeg plana i revidiranog plana,

- m) odobrava kupovinu, prodaju, zamjenu, uzimanje u leasing i druge transakcije imovinom direktno ili posredstvom supsidijarnih društava u toku poslovne godine od 15-33% knjigovodstvene vrijednosti ukupne imovine društva,
- n) nadzire Direktora u provođenju preporuka danih od strane Odbora za reviziju i vanjskog revizora sa specificiranim rokovima,
- o) vrši sistematski nadzor nad poslovanjem i zakonitosti poslovanja Preduzeća, te vrši pregled poslovnih knjiga i dokumentacije Preduzeća,
- p) daje instrukcije organima Preduzeća radi otklanjanja nepravilnosti u radu,
- q) redovito izvještava Skupštinu Preduzeća o svom radu i podnosi joj Godišnji plan rada za narednu poslovnu godinu,
- r) prisustvuje sjednicama Skupštine Preduzeća i učestvuje u raspravi bez prava glasa,
- s) daje ovlaštenja za aktivnosti koje su ograničene Zakonom o javnim preduzećima i ovim Statutom,
- t) vrši i druge poslove predviđene članom 19. Zakona o javnim preduzećima u F BiH i ovim Statutom.

III MANDAT I NAKNADA ZA RAD

Predsjednik i članovi Nadzornog odbora se imenuju za vrijeme od 4 (četiri) godine s mogućnošću ponovnog imenovanja, a za svoj rad u Nadzornom odboru imaju pravo na naknadu iz sredstava Društva, čija visina se regulira ugovorom o angažmanu za rad u Nadzornom odboru koji odobrava Skupština.

IV OPĆI USLOVI

Svi kandidati za pozicije koje su predmet ovog javnog konkursa moraju ispunjavati sljedeće opće uslove propisane Zakonom:

1. da su državljani BiH,
2. da su stariji od 18 godina, a mlađi od 65 godina na dan imenovanja,
3. da nisu otpušteni iz državne službe kao rezultat disciplinske mjere, na bilo kom nivou u BiH, u periodu od tri godine prije objave javnog konkursa,
4. da nisu pod optužnicom Međunarodnog suda za ratne zločine (član IX 1. Ustava Bosne i Hercegovine),
5. da nisu osuđivani za krivično djelo i za prekršaj nespojiv sa dužnošću u Nadzornom odboru, pet godina od od dana pravosnažnosti presude, isključujući vrijeme zatvorske kazne (uvjerenje nadležnog MUP-a), niti da se protiv njih vodi krivični postupak (uvjerenje nadležnog suda),
6. da im pravosnažnom presudom suda nije zabranjeno obavljanje aktivnosti za poziciju na koju apliciraju,
7. da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH,
8. da nisu izabrani zvaničnici, nosioci sudskih ili izvršnih funkcija, ili savjetnici izabranim zvaničnicima i nosiocima izvršnih funkcija u smislu Zakona o sukobu interesa u institucijama vlasti BiH,
9. da nisu direktori, članovi uprave, predsjednici ili članovi nadzornog odbora ili odbora za reviziju u drugom privrednom društvu,

10. da nisu u sukobu interesa u ličnom ili profesionalnom odnosu s društvom u kom apliciraju na poziciju predsjednika, odnosno člana Nadzornog odbora.

V STEPEN OBRAZOVANJA, STRUČNA SPREMA I OSTALI POSEBNI USLOVI ZA POZICIJE

- visoka stručna sprema-VII stepen, odnosno visoko obrazovanje I (prvog), ili drugog ili trećeg ciklusa Bolonjskog sistema studiranja pravne, ekonomske, tehničke struke,
- najmanje 5 godina radnog iskustva u struci, nakon sticanja univerzitetske diplome, odnosno visokog obrazovanja.

Prilikom procjene kvalifikacije i iskustva kandidata kao posebni uslovi uzimaju se u obzir i slijedeći kriteriji:

- stručne, iskustvene, komunikacijske i organizacijske sposobnosti za vršenje poslova finansijskog nadzora,
- sposobnost tumačenja i primjene zakona i drugih propisa, a naročito iz djelatnosti Društva,
- prilagodljivost timskom radu i sposobnost za savjesno i odgovorno obavljanje pozicije za koju se kandiduje,
- sposobnost odlučnog i nepristranog donošenja odluka,
- rezultati rada ostvareni tokom prethodnog radnog angažmana i preporuka poslodavca.

VI POTREBNI DOKUMENTI

Kandidati su dužni dostaviti prijavu na javni konkurs, koja treba da sadrži oznaku pozicije za koju se kandiduje, kratku biografiju, adresu i kontakt telefon.

Prijava se može podnijeti samo za jednu od pozicija.

Uz prijavu se prilažu original ili ovjerena fotokopija slijedećih dokumenata:

- uvjerenje o državljanstvu (ne starije od 6 mjeseci),
- preporuku poslodavca,
- ovjerena kopija diplome,
- uvjerenje o radnom stažu u struci,
- drugi dokazi o ispunjavanju općih i posebnih uslova javnog konkursa (ovjerene izjave o ispunjavanju općih uslova pod tačkama: 3., 4., 7., 8., 9. i 10 javnog konkursa).

Dokaz o ispunjavanju općih uslova iz tačke 5. i 6. bit će dužni dostaviti samo kandidati koji budu predloženi za konačno imenovanje.

Lični podaci o učesnicima u javnom konkursu su tajni i mogu se prikupljati i obrađivati u skladu sa Zakonom o zaštiti ličnih podataka BiH („Službeni glasnik BiH“ broj 49/06, 76/11 i 89/11).

VII OSTALE NAPOMENE

Javni konkurs će se objaviti u „Službenim novinama Federacije BiH“ i dnevnom listu „Oslobođenje“.

Rok za podnošenje prijava je 15 (petnaest) dana, a računa se od datuma zadnje objave javnog konkursa.

Prijave sa dokumentacijom mogu se dostaviti lično ili preporučenom pošiljkom, u zatvorenoj koverti, na adresu:

Grad Bihać, Komisija za provođenje izbora u regulirane organe u Gradu Bihaću, ulica Bosanska broj 4., 77000 Bihać

sa naznakom: «Prijava na javni konkurs za izbor i imenovanje na pozicije predsjednika i članova Nadzornog odbora JP « Agencija za razvoj Grada Bihaća » d.o.o. Bihać - NE OTVARATI».

Komisija će uz poštivanje principa utvrđenih zakonom, a na osnovu kriterija za ocjenjivanje i izbor kandidata utvrđenih Statutom društva sastaviti listu sa užim izborom kandidata.

Svi kandidati na listi sa užim izborom bit će pozvani na intervju, i uz poziv će dobiti obrazac u kojem će iznijeti bilo koje pitanje koje bi moglo dovesti do sukoba interesa, za slučaj imenovanja.

Nakon obavljenog intervjua, Komisija će uz pismenu preporuku, Gradonačelniku Grada Bihaća predložiti rang listu najboljih kandidata, na saglasnost.

Odluku o konačnom imenovanju predsjednika i članova Nadzornog odbora donijet će Gradsko vijeće Bihać.

Konačno imenovanje će se objaviti u „Službenim novinama Federacije Bosne i Hercegovine“ ili „Službenom glasniku Grada Bihaća“.

Protiv Odluke o konačnom imenovanju predsjednika i članova Nadzornog odbora, svaki učesnik u konkursu i svaki drugi član javnosti može podnijeti prigovor Gradonačelniku, a njegovu kopiju dostaviti Ombudsmenu za ljudska prava Federacije Bosne i Hercegovine.

Neblagovremene i nepotpune prijave neće se uzeti u razmatranje.

Podnosioci prijave sa kojima se ne stupi u kontakt u roku od 8 (osam) dana po isteku roka za podnošenje prijave, neće biti uzeti u razmatranje u daljem postupku imenovanja.

Gradonačelnik
Šuhret Fazlić